

《四庫全書》研究資料叢刊

提要  
四庫全書

張昇◎編  
北京圖書館出版社

《四庫全書》研究資料叢刊

張昇◎編

北京圖書館出版社

# 《四庫全書》

提要  
稿  
輯  
存

③

浙江採集遺書總錄

壬集

別集類二

宋

河東集十五卷

寫本

右宋如京使大名柳開撰咸淳三年門人張景編  
序共九十六首名曰默書并附景所爲行狀一首  
陳振孫曰本朝爲古文自開始然其體艱澁爲人  
忼慨喜功名急義史亦稱其傲狠強懷云

徐公文集三十卷

陳氏解題作  
徐常侍集

寫本

右宋左散騎常侍廣陵徐鉉撰其二十卷仕於江

南所作餘十卷歸朝後所作也淳化四年彭年序  
畧云禁林判詔表章多不畱草其餘存者子壻尙  
書水部員外郎吳君淑編爲十卷通成三十卷所  
撰質論稽神錄奉詔撰江南錄修許慎說文並別  
爲一家不列於此又天禧元年胡克順表進稱六  
十卷與此卷褒相懸或合所撰各書爲之也

田表聖奏議一冊

寫本

右宋工部尙書洪雅田錫撰所著有咸平集此特  
其奏議也

小畜集三十卷

寫本

右宋翰林學士鉅野王禹偁撰禹偁將名其集以周易筮之遇乾三三之小畜三三乾之象曰君子以自強不息是修辭立誠守道行己之義也小畜之象曰君子以懿文德是位不能行道文可以飾身也咸平三年自叙云

寇忠愍公詩集三卷

刊本

右宋尚書右僕射下邳寇準撰乃近時依宋本校刊者前有贈諡誥一道及孫抃奉勅撰碑又宋范雍王次翁辛數三序

武夷新集二十卷

刊本

右宋贈禮部尙書浦城楊億撰億初入翰苑當景德丙午明年條次十年新集而序之其畧云山林之士不忘維桑之情雕篆之文竊懷敝帚之愛命題之意良在是也

春卿遺藁一卷

刊本

右宋禮部尙書宜興蔣堂撰堂舊有吳門集二十卷不傳今本爲裔孫璜於天啓間掇拾二十餘篇刊之

穆參軍集三卷

寫本

右宋潁州文學參軍汝陽穆脩撰慶歷三年祖無



擇序云公之歿無擇求遺文於嗣子熙得詩五十  
六書序記誌祭文總二十與無擇所藏增多詩一  
十二書序各一又從其舊友而求之往往知愛而  
不知傳故無獲焉姑類次是以爲三卷題曰河南  
穆公集按今所傳抄本無是序見洛陽九老祖龍  
學文集中特取以冠此

林和靖詩集四卷省心錄一卷

刊本

右宋錢塘林逋撰晁志作二卷陳振孫解題作集  
三卷西湖紀逸一卷今本未詳誰人所編

鉅鹿東觀集七卷

舊影寫本

右宋贈秘書省著作郎蜀魏野撰天聖元年薛田序云漢書班固引著作局爲東觀因取諸贈典命之曰鉅鹿東觀集

尹河南集二十七卷附錄一卷

晁志作二十卷  
求記作二十七卷

寫本

右宋右司諫河南尹洙撰高平范仲淹撰序又淳熙庚戌尤袤跋云師魯集承旨姚公手錄者予往嘗刻師魯文百篇于會稽行臺今乃得閱其全甚慰復梓行之今本卽影抄此者

武溪集二十卷

刊本



右宋工部尚書集賢院學士贈尚書左僕射累贈少師韶州余靖撰屯田郎中騎都尉周源序稱此集乃公子屯田員外郎仲荀所編今本係明成化九年刊有邱濬蘓韓二序後附歐陽公作神道碑及紹興丁巳題隸川韓璜跋

樂全集四十卷

寫本

右宋太子少師贈司空宋城張方平撰陳氏書錄又有玉堂集二十卷今未見

安陽集五十卷

刊本

右宋贈尚書令魏忠獻王安陽韓琦撰趙希弁曰

王安陽人故以名集

包孝肅奏議十卷

刊本

右宋樞密副使合肥包拯撰晁志卷表同

清獻公集十卷

刊本

右宋資政殿大學士西安趙抃撰抃以清德服一世平生蓄雷氏琴一張鶴與白龜各一所向與之俱後過泗州前已放鶴至是復以龜投淮中故其詩有馬尋舊路知歸處龜送長淮不再來自紀其實也

文潞公集四十卷

刊本

右宋叅政介休文彥博撰明嘉靖五年呂柟序

孫明復小集一卷附錄一卷

知不足齋寫本

右宋國子監直講平陽孫復撰復居泰山深於春秋自石介以下皆師事之慶歷中范文正富鄭公嘗薦之晁志作睢陽小集十卷則闕逸者多矣

徂徠集二十卷

刊本

右宋直集賢院奉符石介撰陳振孫曰集中有南京夏尙書啓及夫子廟上梁文皆爲夏竦作此介所謂大奸之去如距斯脫者也今本乃國朝康熙間知泰州燕山石鍵秉仁序刊

蔡忠惠公集三十六卷別記十卷

刊本

右宋端明殿學士莆田蔡襄撰晁志作十七卷謂襄文章清邁粹美工書爲本朝第一殘章斷稿得者珍藏之

蘇學士文集十六卷

陳氏書錄作十五卷

刊本

右宋湖州長史開封蘇舜欽撰舜欽易簡之孫杜祁公衍之壻坐進奏院用公錢會客爲王拱辰輩所擠坐廢買園蘇州爲滄浪亭竹水之勝冠于吳下故又名滄浪集

王荊公詩箋注五十卷

刊本

右宋荆國公臨川王安石撰資政殿學士丹稜李  
璧注璧文簡公燾之子謫居臨川時所爲也晁志  
卷袞同今本爲近時仿元刊者

蘇詩補注五十卷

刊本

右宋蘇軾詩集舊有王十朋施宿二家注而施稱  
善海寧查慎行以其尙有訛漏更博采而補注之  
并取諸家倡酬之作悉附焉讀蘇詩者無剩義矣  
又慎行云施氏本多殘闕近從吳中借鈔每首視  
新刻或多一二行乃知新刻復經增刪今輒補錄  
以仍其舊漫不可辨者則缺之新刻者謂宋氏學

所刻本也

蘇魏公文集七十二卷

寫本

右宋太子太保丹陽蘇頌撰陳振孫曰紳之子也紳在兩禁人稱其險詖而頌器局闊厚未嘗與人校短長其爲相在元祐末大臣奏事多稟宣仁獨頌必再以白哲廟其後免于遷謫蓋上以爲識君臣之禮也有紹興九年汪藻序

伐檀集二卷

刊本

右宋進士知康州分寧黃庶撰自爲序庭堅其子也陳振孫曰世所傳山鬼水怪著薜荔之詩集中



多此體庭堅詩律蓋有自來也

古靈先生文集二十五卷

宋槧本

右宋尚書右司郎中累贈少師福唐陳襄撰生于福州之古靈後鄉人號古靈先生紹興三十一年孫右朝請大夫直秘閣知贛州軍事輝題云四世從祖密學公文二十五卷里人大夫徐君世昌嘗摹刻于家而其間頗有舛譌竊有志于校正因仍未遑竭束章貢屬僚士叅校因命仲子曄推次年譜併鈐諸木

公是集三冊

晁志作七十五卷

寫本

右宋翰林學士新喻劉敞撰號公是先生晁公武  
謂其爲文章尤敏瞻好摹倣古語句度在西掖時  
嘗食頭揮九制各得其體

南陽集三十卷

寫本

右宋太子少保靈壽韓維撰封南陽郡公故以名  
集有鮮于綽行狀沈晦跋語附後

三沈文集八卷

刊本

右宋翰林學士錢塘沈邁光祿少卿沈括轉運使  
沈遼合集邁字文通吏事精明強敏爲杭州開封  
府皆有能名括于文通爲叔而年少于邁世傳文

通常稱括叔今四朝史本傳以爲從弟者非也遼  
爲邁弟以兄任爲京官坐法流貶事見揮麈錄今  
其序如此蓋未之考也

祖無學文集十六卷

寫本

右宋龍圖閣學士上蔡祖無擇撰署洛陽九老祖  
龍學錢曾曰集十卷附名臣賢士往來詩文二卷  
系家集又四卷其曾孫衍編次成帙并著龍學始  
末于卷末

李盱江集三十七卷外集二卷

刊本

右宋太學說書權同勾管太學南城李觀撰門人